

法苑珠林

牙
四
十

署
十
隸

5-1414



元祿九年丙子二月日重修

皇圖鞏固 帝潛淑昌

佛日增輝 懋輪常轉

山城州天安寺法金剛院置

子

法苑珠林卷第四十

隸

大唐上都西明寺沙門釋道世撰

舍利篇第三十七 此有五部

迷意部 引證部 佛影部

分法部 感福部

迷意部第一

夫聖德遐邇冠絕人天理妙六經神
超群有之遺蹤越賢良之勝迹化緣
俗韜光故雙樹八枝隨義所表舍利
逐緣感會入金剛定預碎全身欲使
福被天人功流海陸至於牙齒髮爪
之屬頂蓋目睛之流衣鉢瓶杖之具
坐處足蹈之迹囊括今



古聖變無窮祥應萃臻瑞光頻朗賢愚共覩
豈猜來惑且如三皇五帝夏殷文武孔丘莊
老惟聖惟賢共遵共敬莫不葬骨五泉遺塵
九土聲光寂寞孰識其蹤罕知生福奚感來
報豈比能仁大聖形影垂芳應感之道不窮
敬仰之風逾遠紹化迹於大千拔沉冥於沙
界致使開示之道隨義或殊會空之旨齊其
一實也

引證部第二

舍利者西域梵語此云骨身恐濫凡夫死人
之骨故存梵本之名舍利有三種一是骨
舍利其色白也二是髮舍利其色黑也三是
肉舍利其色赤也菩薩羅漢等亦有三種若是

佛舍利椎打不碎若是弟子舍利椎擊便破
矣又菩薩處胎經云世尊告諸大眾念我古
昔所行功德捨身受身非一非二今當爲汝
說一形法諸佛全身舍利盡在下金剛剎中
金剛剎厚八十四萬億里下有諸佛碎身舍
利盡在波剎波有佛剎名曰妙香佛名不住
如來十号具足今現在說法佛告大眾碎身
舍利下厚八十四萬億里國土清淨佛名遍
光十号具足彼佛今現在說法復下有國土
名施無盡藏佛名勸助復下有國土名法鼓
佛名善見彼土乃有全身舍利過去億千万
佛皆留舍利彼土舍利我亦有分又海龍王

經云。爾時諸龍白佛言。今世尊還闍浮利地。海中諸龍無所依仰。惟加大哀。佛滅度時。在此大海。留全舍利。一切衆類。皆得供養。轉加功德。速脫龍身疾。得無上正真之道。唯佛垂恩。威德兼加。所願得果。佛言善哉。從爾所志。須菩提謂諸龍言。一切人天舍利。須遍普蒙。獲濟。卿等求願。使佛舍利。獨全奉侍。一切衆生。何緣得度。諸龍答言。唯須菩提。勿宣斯言。無以已身。限礙之智。以限如來。無極之慧。如來聖德。無不變現。三千世界。各各化現。佛全舍利。不增不減。普現一切。譬言如日影現於水中。佛亦不生亦不滅。度云何欲限如來智慧。

者乎須菩提聞默而無言佛歎諸龍仁等賢
明誠如所云無有異也佛道高妙無邊無際
無方無圓無廣無狹無遠無近詳如虛空不
可爲喻

佛影部第三

如觀佛三昧經云佛初留影石室在邠乾呵
羅國毒龍池側阿邠斯山巖南有五羅刹女
與毒龍通恒降雨雹百姓飢疫已歷四年時
王禱祀呪龍羅刹女氣盛呪術不行王長跪
合掌讚佛通慧應知我心願屈慈悲光臨此
國今時如來往至彼國龍興雷電鱗甲煙焰
五羅刹女眼如制手電時金剛神手把大杵杵
頭火然如旋火輪燒惡龍身龍王驚怖走入

佛影如甘露灑見諸金剛極大惶怖為佛作
禮五羅刹女亦禮如來龍王於其池中出寶
臺奉佛佛言不須汝臺但以羅刹石窟施我
諸天各脫寶衣拂窟佛攝神足獨入石室今
此石上變為七寶時龍為四大弟子及阿難
造石窟尔時世尊從石窟出時龍聞佛還國
啼哭雨淚云何捨我我不見佛當作惡事墜
墮惡道佛安慰龍我受汝請當坐汝窟中經
千五百歲佛坐窟中作十八變踊身入石猶
如明鏡在於石內映現於外遠望則見近望
不現諸天百千供養佛影影亦說法迄今猶現
分法部第四 如菩薩處胎經云時八國王

共諍舍利有一大臣名優波吉諫八國王何
為興兵共相征伐尔時帝釋即現為人語王
言我等諸天亦當有分若共諍力則有勝負
幸可見與勿足為難尔時阿耨達龍王文隣
龍王伊那鉢龍王語八王言我等亦應有分
若不見與力足相伏時臣優波吉告言諸君
並止舍利宜共分之何須見諍即分為三分
一分與諸天一分與龍王一分與八王分甕
受一石餘此臣以蜜塗甕裏以甕量分諸天
得舍利還於天上即起七寶塔龍得舍利還
於宮中起七寶塔臣優波吉著甕舍利并甕
亦起寶塔灰及土量得四十九斛亦起四十

九寶塔闍維處亦起寶塔高三十九仞七尺
又阿育王經云八國王諍舍利各起兵天帝
釋自下曉喻以金鬘分之闍王共數各得八
万四千舍利餘有佛口一鬘無敢取者以闍
王初來得舍利及鬘還大歡喜作樂動天難
頭禾龍王化作人身到泥洹所道逢闍王還
語王言可持一分見與王言不可得龍王言
我是難頭禾龍能舉卿國土著八萬里外磨
碎成屑闍王怖懼即奉佛鬘與之龍王即還
須弥山下起水高八万四千里起水精瑠璃
塔闍王終後阿育王得其國土時有大臣白
阿育王言難頭禾龍先輕闍王奪佛鬘去阿

育王聞大瞋怒即勅諸鬼神王作鐵網鐵罝
縱罝須彌山下水中欲縛取龍王龍大驚怖
共設計言阿育事佛當伺其卧取宮殿移者
須彌山下水中其瞋必息即便遣龍捧取育
王宮殿王卧覺不知是何處見水精塔高八
万四千里喜怖交心龍自出謝言闍王自與
我佛驗我不棄也佛在世時與我要言般泥
洹後劫盡之時所有經戒及袈裟應器我皆
當取藏著是塔中弥勒來下當復出著阿育
王聞此言大謝實不知此龍王便使諸龍還
復王宮殿置於本處 又善見論云帝釋宮
內有二舍利一佛右牙二佛右缺甕骨

又十誦律云佛般泥洹八國皆來求舍利各舉四
兵八軍圍遶有一婆羅門姓煙高聲大唱言諸力
士舍利現在當分作八分諸力士言敬如來議更
復唱言盛舍利瓶請以見惠還頭那羅聚落起塔
時畢波羅延那婆羅門復請燒佛處炭還國起
塔時拘尸城力士得第一分起塔舍利即於國中起
塔波婆國得第二分舍利還歸起塔羅摩聚落枸樓
羅得第三分舍利還歸起塔遮勒國諸利帝利得第
四分還國起塔毗兜諸波女羅門得第五分還國
起塔毗耶離諸利昌得第六分還國起塔迦毗羅
婆女國諸釋子得第七分還國起塔摩伽陁國王
阿闍世王得第八分還王舍城起塔姓煙婆羅

門得盛舍利瓶還頭那羅聚落起塔畢波羅
延婆羅門得炭還國起塔今時闍浮提中八
舍利塔第九瓶塔第十炭塔自此已後起無
量塔 又阿育王經云昔阿怒伽王欲取阿
闍世王所舉舍利阿闍世王著洹河中作大
鐵劍輪使水輪轉著舍利處種種方便取不
能得問蓮華比丘云何可得比丘荅言擲數
千斛柰著中可得止輪尋用此語以柰著於
水中偶試一柰柰隨機關孔中劍輪即定更
不迴轉然大龍王守護都不可得王時問言
何由可得荅言龍王福勝無由可得問言云
何知彼福勝以金鑄作龍像及以王像以秤稱

之重者福勝即時稱量龍像倍重王見此事
即勤修福既修福已復更鑄像復更稱量王
像龍像稱量正等王更修福復更鑄像稱看
王像轉重王知像重將諸軍衆往到水邊龍
王自出獻種種寶王語龍言阿闍世王遺我
舍利我今欲取龍王自知威力不如即將王
至舍利所開門取舍利與阿闍世王所造油
燈始欲盡賜舍利既出燈亦盡滅王怪而問
蓮華比丘云何阿闍世王裁量油燈至取舍
利方始乃滅尊者荅言彼時有善筭者計百
年中用亦許油用如是計故使至今也
感福部第五 如大悲經云尔時世尊告阿

難我滅度後若有人乃至供養我之舍利如芥子等恭敬尊重謙下供養我說是人以此善根一切皆得涅槃界盡涅槃際若有造立形像塔廟乃有信心念佛功德乃至一華散於空中我說是人以此善根一切皆當得涅槃界盡涅槃際佛告阿難若有衆生以念佛故乃至一華散於空中如是福德所得果報不可窮盡若有衆生以至誠心念佛功德乃至一華散於空中於未來世當得釋天王梵天王轉輪聖王於其福報亦不能盡施佛福田不以有爲果報所能盡邊我說是人必得涅槃盡涅槃際乃至若有畜生於佛世尊能

生念者我亦說其善根福報當得涅槃盡涅槃際若有三千大千世界滿中四沙門果及辟支佛如甘蔗竹筲若有人能若現在若滅後起塔供養若一劫若滅一劫以諸稱意一切樂具恭敬尊重謙下供養若復有人於諸佛所但一合掌一稱佛名如是福德比前福德百分不及一千分百千億分乃至迦羅分不及一何以故以佛如來諸福田中爲最無上是故施佛成大功德神通威力

頌曰

金軀遺散骨

寶塔遍天龍

創開於十塔

終成八萬興

珠蓋靈光變

剝柱吐芙蓉

屢開朝霧露

數示曉靈徵

紅霓相映發

風搖響音和鍾

仙鸞往往見

神僧數數從

獨超群聖上

含識普生恭

砧椎擊手不碎

方知聖頗窮

感應緣

略列隋有

一十六代五十三州

漢法內傳云明帝既弘佛法立寺度僧五岳

山館諸道士等請求捕試釋老優劣道經以

火試焚隨火消盡道士衆首費才愧耻自感

衆前而死張衍啓悟竟共出家于時西域所

將舍利五粒五色直上空中旋環如盖映蔽

日光摩騰羅漢踊身高飛居空如地履地如

空神化自在爲衆說法天雨寶華散佛僧上

天樂異音大衆同聞度人無量廣如下破邪

篇說 魏明帝洛城中本有三寺其一在官

之西每繫舍利在幡刹之上輒斥見宮內帝
患之將毀除壞時有外國沙門居寺乃齋金
盤盛水水貯舍利五色光明騰焰不息帝見
歎曰非夫神効安得尔乎乃於道東造周閣
百間名爲官佛圖精舍矣

吳孫權赤烏四

年有外國沙門康僧會創達江表設像行道
吳人以其爲妖異以狀聞之權召會問佛有何
靈瑞曰佛晦靈迹遺骨舍利應現無方權曰
何在曰佛神迹感通祈求可獲權曰若得舍
利當爲興寺經三十日至誠求請遂獲瓶中
且呈於權光照宮殿權執瓶寫于銅盤舍利
下衝盤即破碎權大驚異希有瑞也會進曰

佛之靈骨金剛不朽劫火不焦椎砧不碎權
使力者盡力擊之椎砧俱陷舍利不損光明
四射耀晃人目又以火燒騰光上踊作大蓮
華摧大發信乃爲立寺名爲建初改所住地
名佛陀里孫皓虐政將欲除屏佛法燔經夷
塔有臣諫曰且少寬假知無神驗誅除不晚
皓從之召會曰若能驗現於目前助君興之
如其不能將廢加戮會曰佛以緣應感而必
通旣給假請効不難皓與期三日于時僧衆
百餘同集會寺皓陳兵圍寺刀鋸齊至剋期
就戮僧恐無靈先自縊者會謂衆曰佛留舍
利止在今時前已有驗今豈同哉恰期便獲

乃進於皓此是如來金剛之骨志誠實獲設
以百鈞之杵終無微毀皓曰金石可磨枯骨
豈堅沙門面欺抵速死耳乃更置之鐵砧以
金椎擊之金鐵並凹而舍利如固又以清水
行之舍利揚光散彩洞燭一殿皓乃欣欣伏
信革誠膺化晉初竺長舒先有舍利重之其
子爲沙門名法顏每欲還俗笑曰舍利是沙
石耳何足可貴父投之水中五色三帀光高
數赤見徵生信遂不歸俗長舒臨死還發俗
念輒病委頓卒爲沙門以舍利安江夏塔中
晉大興中於晉董汪信尚木像夜有光明後
像側有聲投地視乃舍利水中浮沉五色晃

昱右行三币後沙門法恒看之遂騰踊高四五赤投恒懷中恒曰若使恒興立寺宇更見威神又躍于前於即恒建寺塔於潛入法者日以十數焉 晉大興中北人流播廣陵日有千數有將舍利者建立小寺立刹舍利放光至于刹峯感動遠近 晉咸和中北僧安法開至餘杭欲建立寺無貲財手索錢貫貨之積年得錢三万市地作屋常以索貫為資欲立刹無舍利有羅幼者先自有之開求不許及開至寺禮佛見幼舍利囊已在座前即告幼幼隨來見之喜悅與開共立寺宇於餘杭也 晉咸康中建安太守孟景欲建刹立

寺於夕聞牀頭鏘然視得舍利三枚因立寺
刹元嘉十六年六月舍利放光通照上下七
夕乃止一切咸見 晉義熙元年有林邑人
嘗有一舍利每齋日有光沙門惠遠隨廣州
刺史刁逵在南敬其光相欲請之未及發言
而舍利自分爲二逵聞心悅又請留敬而又
分爲三逵欲摸長干像寺主固執不許夜夢
人長數丈告曰像貴宣道可何苟吝耶明報聽
摸旣成逵以舍利著像髻中西來諸像放光
者多由舍利故也 宋元嘉六年賈道子行
荆上明見芙蓉方發聊取還家聞華有聲怪
尋得一舍利白如真珠焰照梁棟敬之擎以

箱案懸于屋壁家人每見佛僧外來解所被
衣雖坐案上有人寄宿不知汗漫之乃夢人
告曰此有釋迦真身衆聖來敬尔何行惡死
墮地獄出爲奴婢何得不怖其人大懼無幾
癩死舍利屋地生荷八枝六旬乃枯歲餘失
之不知所去 宋元嘉八年會稽安千載者
家門奉佛夜有扣門者出見十餘人著赤衣
運材積門內云官使作佛圖忽無所見明至
他家齋食上得一舍利紫金色椎打不碎以
水行之光明照發便自舉敬常有異香後出
欲禮忽而失之尋覓備至半日還時臨川王
鎮江陵迎而行之雜光間出佐史沙門咸見

不同王捧水器呪曰云云輒應聲光出夜見
百餘人遶舍利屋燒香持華如佛出狀及明
人及舍利俱失宋元嘉九年潯陽張須元家
設八關齋道俗數十人見像前華上似冰雪
視得舍利數十便以水行之光焰相屬後遂
之數日開厨更視獲牙齒中有白氎裹舍利
十枚光焰屬諸處咸來請之 宋元嘉十五
年南郡劉凝之隱衡山徵不出奉五升米道
不信佛法夢見人去地數丈曰汝疑方解覺
忽反悟旦夕勤至半年禮佛忽見額下有紫
光揣光處得舍利二枚割擊不損水行光出
復於食時口中隱齒吐出有光妻息又獲一

枚合有五枚後又失之尋亦又得。宋元嘉十九年高平徐椿讀經及食得二舍利盛覺中後看漸增乃至二十七後寄廣陵令劉馥馥私開之空覓椿在都忽自得之後退轉皆失舍利應現值者甚多皆敬而得之慢而失之舍利東流綿歷帝代傳紀所及略陳万一由

事相重沓屢現非竒佛化潛隱誠其致也然有國興塔無勝隋代一化之內百有餘所神瑞開發陳諸別傳今略出之以顯感德也

隋文帝立佛舍利塔

二十八州起塔
五十三州感瑞

雍州仙遊寺

歧州鳳泉寺

華州思覺寺

同州大興國寺

涇州大興國寺

蒲州栖巖寺

秦州岱岳寺

并州無量壽寺

定州恒岳寺

嵩州嵩岳寺

相州大慈寺

廓州連雲岳寺

衡州衡岳寺

襄州心興國寺

牟州巨神山寺

吳州會稽山寺

蘇州虎岳山寺

右此十七州寺起塔出打剎物及正庫物造

秦州瓜州

揚州

益州

亳州

桂州

交州汝州

番州

蔣州

鄭州

右此十一州隨

逐山水州縣寺等清淨之處起塔出物同前也

門下仰惟正覺大慈大悲救護群生津梁庶
品朕歸依三寶重興聖教思與四海之內一
切人民俱發菩提共成福業使當今見在爰
及來世永作善因同登妙果宜請沙門三十
人諳解法相兼堪宣道守者各將侍者二人并

散官各給一人熏陸香一百二十斤馬五疋
分道送舍利往前件諸州起塔其未注寺就
有山水寺所起塔依前山舊無寺者於本州
內清靜寺處建立其塔所司造樣送往本州
僧多者三百六十人其次二百四十人其次
一百二十人若僧少者盡見在僧爲朕皇后
太子諸王子孫等及內外官人一切民庶幽
顯生靈各七日行道并懺悔起行道日打剎
莫問同州異州任人布施錢限至十文已下
不得過十文所施之錢以供營塔若少不充
役丁及用庫物率土諸州僧尼並爲舍利設
齋限十月十五日午時同下入石函摠管刺

史以下縣尉以上自非軍機停常務七日專
檢校行道及打剎等事務盡誠敬副朕意焉
王者施行 仁壽元年六月十三日內史令豫章王暕陳宣
舍利感應記二十卷 隋著作郎王邵撰

皇帝昔在潛龍有婆羅門沙門來詣宅上出
舍利一裹曰檀越好心故留與供養沙門既
去求之不知所在其後皇帝與沙門曇遷各
置舍利於掌而數之或少或多並不能定曇
遷曰曾聞婆羅門說法身過於數量非世間
所測於是始作七寶箱以置之神尼智仙言
曰佛法將滅一切神明今已西去兒當為普
天慈父重興佛法一切神明還來其後周氏

果滅佛法隋室受命乃興復之皇帝每以神
尼爲言云我興由佛故於天下舍利塔內各
作神尼之像焉 皇帝皇后於京師法界尼
寺造連基浮圖以報舊願其下安置舍利開
皇十五年季秋之夜有神光自基而上右遶
露盤赫若冶鑪之燄其旬內四度如之

皇帝以仁壽元年六月十三日御仁壽宮之
仁壽殿本降生之日也歲歲於此日深心永
念修營福善追報父母之恩故延諸大德沙
門與論至道將於海內諸州選高爽清靜三
十處各起舍利塔 皇帝於是親以七寶箱
捧三十舍利自內而出置於御座之案與諸

沙門燒香禮拜願弟子常以正法護持三寶
救度一切衆生乃取金瓶瑠璃瓶各三十以
瑠璃瓶盛金瓶置舍利於其內熏陸香為泥
塗其蓋而印之三十州同刻十月十五日正
午入於銅函石函一時起塔 諸沙門等各
以舍利奉送諸州一切道俗各盡境內嚴持

香華寶幢音樂掃灑道路盡誠竭力奉迎舍
利不可具陳各感靈瑞備如廣傳今略寫十
餘以示後人皇帝介曰共皇后太子宮內妃
嬪精誠用心竭力懺悔普為含識共結善緣
皇帝見一異僧被褐色覆膊以語左右曰勿
驚動他置之介去已重數之果不須現舍利

之將行也。皇帝曰：今佛法重興，必有感應。其
後處處表奏，皆如所言。皇帝當此十月之
內，每因食次於齒下，得舍利。皇后亦然，以銀
盤盛水，浮其一，出示百官。須臾忽見有兩粒，
右旋相著。二貴人及晉王、昭豫、章王、暕、蒙賜
蜺勅，令審視之。各於蜺內得舍利一，未過二
旬，宮內凡得十九，多放光明。自是遠近道俗
所有舍利，率奉獻焉。皇帝曰：何必皆是真身
諸沙門相與推試之，果有十三。玉粟其真，舍
利鐵窻而無損。雍州城西，蓋屋縣南山，遊
寺立塔之日，天降陰雪。晦嶺重厚，舍利將下，
昏雲忽散，日光朗照。道俗散畢，雲合如舊。

岐州鳳泉寺立塔感得文石如玉爲函又現
雙樹鳥獸靈祥基石變如水精 涇州大興
國寺立塔三處各送舊石非世所有合用爲
函恰然相可 秦州靜念寺立塔定基已瑞
雲再覆雪下草木開華入函光照聲贊

華州思覺寺立塔初陰雪將欲下舍利日光
晃朗五色氣光高數十丈照覆塔上屬天降
寶花 同州大興國寺立塔值雨無壅鄣處
及舍利入函忽然雲啓馳散日光照曜復有
神光重繞於日至十二月內夜光照五十里
蒲州栖巖寺立塔地震山吼鍾鼓大聲又放
光五道至二百里皆見 并州無量壽寺立

塔初晝昏雲重將下舍利入函天晴日照復
放神光五色天神現形莫知多少 定州恒
岳寺立塔之日有見異老公來施布負土畢
已失之舊此無水忽有水流前後非一
相州大慈寺立塔之日天陰降雪將下舍利
入函日出下後復合天雨奇華連注極多

鄭州定覺寺立塔之日感得神光如流星入
寺設供二千人食不盡 嵩州閑居寺立
塔感得白兔來至輦前初陰雪將下日朗入
已復合 亳州開寂寺立塔界內無石別處
三石合而成函基至槃石二浪井夾之
汝州興世寺立塔初陰雲雪將下天晴入函

畢已陰雲還合

秦州岱岳寺立塔夜振鼓

聲三重門自開有騎從廟出迎光瑞非一

青州勝福寺起塔掘基遇自然磐石函將入

塔有光瑞現

牟州巨神山寺立塔獲紫芝

二莖陰雪將下日開閉訖還合

隨州智門

寺立塔掘基得神龜甘露降黑蜂遶龜有符

文襄州大興國寺立塔初天陰將下日朗

入函雲合

揚州西寺立塔久旱舍利入境

夜雨普洽

蔣州栖霞寺立塔隣人先夢佛

從西北來入寺及至如夢吳州大禹寺立塔

舍利沉度五江風波皆不起又放神光獲得

紫芝

蘇州虎丘山寺立塔掘基得一舍利

空中天樂人皆聞之井吼三日舍利方至
衡州岳寺立塔四遇逆風四乞順水峯上白
雲闊二丈直至基所三帀乃去 桂州緣化
寺立塔未至十里鳥有千許夾與行飛入城
乃散 番州靈鷲寺立塔坑內有神仙現騰
雲氣像 益州法聚寺立塔初陰海冥將下
日朗奄已便陰 廓州法講寺立塔初行郊
西尔夜廓州先瑞高數丈從東來入地內外
皆見 隨州官人王威送流人九十道逢舍
利善心共發放之爲期其囚被放千里一期
無一逃者隨州人於湏水作魚獄三百古來
傳業既見舍利悉浹放之永斷茲惡餘州亦

効矣。慶舍利感應表并隋安德王雄百官等

臣雄等言臣聞大覺圓備理照空工有至聖虛

凝義無生滅故雖形分聚芥尚貯金甕體散

吹塵猶興寶剎自釋提請灰之後育王建塔

以來未有分布舍利紹隆勝業伏惟皇帝

積因曠劫宿證菩提降迹人王護持世界往

者道消在運仁祠廢毀慈燈滅影智海絕流

皇祥旣興法鼓方振區宇之內咸爲淨土生

靈之類皆覆梵雲去夏六月爰發詔旨延請

沙門奉送舍利於三十州以十月十五日同

時起塔而蒲州栖巖寺規模置塔之所於此

山上乃有鍾鼓之聲舍利在講堂內其夜前

浮圖之上發大光明爰及堂裏流照滿室
置舍利於銅函又有光若香鑪乘空而上至
浮圖寶瓶復起紫燄或散或聚皆成蓮華又
有光明於浮圖上狀如佛像華趺宛具停住
久之稍乃消隱又有光明遶浮圖寶瓶蒲州
城內仁壽寺僧等遙望山頂如樓闕山峯澗
谷照然顯見照州城東南一隅良久不滅其
栖巖寺者即是太祖武元皇帝之所建造又華
州置塔之處于時雲霧大雪忽即開朗正當
塔上有五色相輪舍利下訖還起雲霧皇帝
皇后又得舍利流輝散彩或出或沉自非至
德精誠道合靈聖豈能神功妙相致此竒蹟

臣等命偶昌年既覩太平之世生逢善業古

出塵勞之境不勝抃躍謹奉拜表陳賀以

聞謹奏 勅荅 門下仰惟正覺覆護群品

濟生靈於苦海救愚迷於火宅朕所以至心

迴向結念歸依思與率土臣民爰乃幽顯同

崇勝業共為善因故分布舍利營建神塔而

大聖慈愍頻示光相宮殿之內舍利降靈莫

測來由自然變現歡喜頂戴得未曾有斯實

群生多幸延此嘉福豈朕微誠所能致感覽

王公等表悚敬弥深朕與王公等及一切民

庶宜更加剋勵興隆三寶今舍利真形猶有

五十所司可依前式分送海內庶三人塗六道

俱免蓋纏稟識含靈同登妙果主者施行
高麗百濟新羅三國使者將還各請一舍利
於本國起塔供養詔並許之 詔於京師大
興善寺起塔先置舍利於尚書都堂十二月
二日旦發焉是時天色澄明氣和風靜寶輿
幡幢香華音樂種種供養弥遍街衢道俗士
女不知幾千万億服章行伍從容有叙上柱
國司空公安德王雄以下皆步從至寺設無
遮大會而禮懺焉有青雀狎於衆內或抽佩
刀擲以布於當人叢而下都無所傷

仁壽二年正月二十三日復分布五十三州
建立靈塔令摠管刺史已下縣尉以上廢常

務七日請僧行道教化打剎施錢十文一如
前式期用四月八日午時合國化內同下舍
利封入石函所感瑞應者別錄如左

恒州

無雲雨下天降

泉州

循州

營州

三放白光感得

洪州

白頭烏引

杭州

搖基有白石函

涼州

德州

感得大鳥旋

滄州

觀州

塔上五色雲

瀛州

基內有

冀州

有患盲人

幽州

如水鏡

徐州

函現仙人

莒州

三現神光基得

齊州

萊州

楚州

野鹿來聽

江州

地出銅像

潭州

毛州

天雨金

貝州

宋州

井苦變甘旋光

趙州

放赤光瑞

濟州

二放神光香氣

兗州

壽州

信州

荆州 雲蓋塔上

蘭州 基下得五像

梁州 利州 放光如

潞州 靈泉自得差

黎州 地下九聞

慈州 靈蓋如飛仙靈

魏州 數放光 人得之

汴州 異香放光

梓州 放光

許州 去州九甘井踊現

豫州 五色金光現

曹州 光變

安州 感香一夕放

晉州 二度放五 懷州 雄荒自來馴

陝州 前後十一度

洛州 香氣如風

鄧州 函作玉

秦州 重得舍利

衛州 於外

洺州 僧先患 誓不行

鄭州 放光播

祀州 五色

右摠五十三州

四十州已來皆有靈瑞不可備列具存大傳

法苑珠林卷第四十

隸

反田	反又	反二	音步
覲	覲	塾	刁
反胡	部	反陟	反的
的	鰥	留	遙
嫗	屋	達	石
反衣	反知	反渠	反知
遇	科	栗	歸
渾	反古	渰	爨
反普	禾	水音	反力
計	螽	名云	振
後	反步	瀾	曠
反夫	庚	盈音	毗古
發	基	虐	也限
杞	反巨	反魚	反徵
垂胡	宜	却	甯
只	嬰	於	於
反	嬰	丁步	洽甲

